

北洋官報

目錄

宮門抄

交旨

奏議◎東督徐等奏吉林籌備第一年期成績并第二年籌備情形摺△又奏吉省添改民官酌裁旗缺摺
公牘◎新樂縣稟一件△武清縣稟一件△正定縣稟一件
文告三則△電報八則△新聞十一則
彙編◎貴官法政學堂堂章程△雲南諮議局籌辦處章程

本局第九十五期法政學報已出

宮門抄

閏二月二十四日 度支部 宗人府 正白旗值日 理藩部引 見一名 桂春前往 東陵請

訓 溥侗在民政部丞參上行走謝 恩 章宗祥授內城總廳廳丞謝 恩 炤公續假十日

召見軍機 章宗祥 理藩部禁煙大臣張世培各遞封奏一件

交旨

閏二月二十四日 軍機大臣欽奉

諭旨恭親王溥偉等奏續擬禁煙辦法以期畫一開單呈覽一摺又奏開單飭催各省未到禁煙冊表一片均著依議欽此

諭旨理藩部奏籌備藩屬憲政本年應辦事宜分別緩急擇要推行一摺著憲政編查館知道欽此

諭旨度支部奏派充各省副監理官開單呈覽一摺又奏奉天吉林黑龍江甯蘇州兩淮鹽務擬各派副監理官

一員一片又奏江西在任候補道九江府知府孫毓駿請開缺仍以江西候補道充正監理官一片均著依議欽此

奏議錄要

東三省總督徐世昌署吉林巡撫陳昭常奏籌備憲政第一年期成績並第二年期籌備情形摺奏爲遵章籌備憲政依限奏報第一年期成績並第二年期籌備情形恭摺仰祈 聖鑒事竊臣等承准憲政編

查館咨開光緒三十四年十二月二十一日欽奉

諭旨憲政編查館會奏遵設專科考核議院未開以前逐年

籌備事宜酌擬章程摺單各一件著依議欽此欽遵粘鈔原奏章程等件咨行前來仰見 朝廷注重憲政銳意

期成之至意莫名欽服臣等遵查原奏考核專科章程第三條內載九年籌備事宜責成內外臣工每屆六個月將

籌辦成績臚列奏聞並咨報憲政編查館查核應自光緒三十四年八月起至十二月底止爲第一屆以後每年六

月底暨十二月底各爲一屆限每年二月八月內各具奏咨報一次等語又查原奏單開逐年籌備事宜第一年期督撫應辦者一項曰籌備諮議局第二年期督撫應辦者八項除關於資政院學部同辦事件應俟頒到章程課本

再行籌辦外其餘六項曰舉辦諮議局選舉曰籌辦城鄉鎮地方自治設立自治研究所曰調查各省人戶總數曰

調查各省歲出入總數曰籌辦各省省城及商埠等處各級審判廳曰廳州縣巡警限年內粗具規模茲屆宣統元

年二月第一屆奏報之期謹將第一年期已經籌備及第二年期應行籌備者敬爲我 皇上縷晰陳之查吉林

諮議籌辦處於上年九月初一日成立遴派明達官紳總理其事並分設參議叅事及各科員疊飭會議一切籌辦

事件其議決綱要如規定該處章程劃分初複選舉區域揀派司選員並豫設司選員講習所安分籌辦細目期限

釐訂調查方法酌定選舉經費等事宜皆經該處先後議決隨時稟核施行以上係關於原奏單內籌備諮議局之

事業經依限舉辦於上年十二月十五日分別奏咨在案此則第一年期已經籌備者也至第二年期應行籌備之

件約可分爲現已籌備現正籌備先期籌備三端所謂現已籌備者一諮議局選舉之辦法也吉省風氣閉塞講演

務須詳盡各屬轄地遼闊調查亦較煩難因督飭各司選員及各屬所添派之義務員隨時隨地廣爲演說復飭該

務須詳盡各屬轄地遼闊調查亦較煩難因督飭各司選員及各屬所添派之義務員隨時隨地廣爲演說復飭該

務須詳盡各屬轄地遼闊調查亦較煩難因督飭各司選員及各屬所添派之義務員隨時隨地廣爲演說復飭該

處查照館章妥定選舉調查各種表冊格式並編輯章程釋例通飭遵辦至各府廳州縣之選舉經費酌定限制准予作正開銷其司選員川資薪水則概由該處發給不得絲毫累及民間且查山東設有諮議研究會湖北設有議員研究會而浙江士紳亦發起議案豫備會皆以創辦之初不敢不爲因時之計吉省士紳之學識經驗尤難與內地各省同日而語將來複選竣事被選議員之程度既難合格且皆初次招集未經歷練於本省應議事件未必能曾有成算亟應一面籌辦選舉一面豫備議案因責成該處叅議等員協同資望素著之紳士擔任組織俾關於本省應行調查研究事件於先時豫備妥善庶他日議員齊集有所依據得以因事籌議雖議員程度稍低而初次諮議局成立當不至全無成效一創辦地方自治之籌畫也前准憲政編查館咨開地方自治籌辦事宜歸諮議局籌辦處兼理當飭該處妥籌辦法卽將年前奏明做照天津辦法之吉林府自治局遵照憲政編查館原咨裁併該處經理就該處原定章程添設調查講習兩科凡調查地方固有團體及各本處習慣統歸調查科掌管以爲改辦自治之豫備凡全省自治之教育及白話報宣講所等事統歸講習科董率以爲開通民智之先導至吉林自治研究所已於上年十月設立曾經奏報有案原定學員名額按各屬分別勻配通飭備費選送由該所考驗錄取以八十人爲一班六個月爲一學期現在頭班將屆期滿復飭各屬照章選送惟各屬通塞不一士紳資格難齊屆時猶恐選不足額因一面由該所在省招考以資變通一面通飭各屬自行籌設自治研究分所以期普及由是逐漸設施則異日地方自治之成立庶不至有名無實耳以上係關於原奏單內舉辦諮議局選舉及籌辦城鄉鎮地方自治設立自治研究所之各項情形業於去冬今春次第籌辦已經施行者也所謂現正籌備者一人戶調查之期限也吉省地廣人稀或設治未久或甫經設治其距離省城最遠者且達二千里以外調查人戶總數自較內省爲難本年正月奉到部頒章程當卽通飭各屬遵章切實調查統限八月以前一律竣事不准稍涉敷衍以免臨時或有貽誤一歲出入調查實行也吉林財政向極紊亂既無藩司爲之總匯故管理極爲紛歧復以邊省多從便宜故冊籍多不如式自上年創設度支司清理一切備極煩難經臣等督飭該司精心稽核並擬定各項調查表式通飭各屬核實照填卽甫經設治之依蘭臨江大通濱江等處亦飭確查具報現已由該司將歲出入總數查有端緒以後豫算決算卽可有所依據而不致更有財政紊亂之弊矣以上係關於原奏單內調查人戶總數及歲出入總數之各

項情形現正籌備當可尅期無誤者也所謂先期籌備者一審判之機關也吉林自改省後即將舊設之裁判所改爲高等審判廳嗣以審判既有專責急須早定階級因於省城增設各級審判廳以原有之高等審判廳房屋狹小改爲吉林府地方審判廳並設第一第二初級審判廳復另擇地段建設高等審判廳而於各廳均附設檢察廳又擇於省城內建造新式監獄一所吉林司法之模範於焉粗具至若長春府已開商埠地當衝要賓州廳發達較早地頗繁盛其地方審判廳已於上年秋間今年春間先後成立以外各屬亦皆已定議創設務期依限一律完備俾司法之事得以完全獨立一巡警之現狀也吉林省城經前將軍臣達桂奏設巡警學堂一所上年遵照民政部所頒章程改爲全省高等巡警學堂所有該堂屢屆畢業學員歷經派赴各屬分充巡警官弁教員等職又於省城設巡警教練所並通飭各屬一體遵照增設統計所轄府廳州縣共二十二屬除大通縣因劃界未定密山府濛江州長嶺縣甫經設治尙待籌辦外其餘各屬之城鄉鎮自三十二年以來皆已次第舉辦雖人數多寡不一而大致粗有可觀至若省城之巡警總局及西南鄉之鄉巡並賓州阿什河農安延吉琿春等處則俱已日臻進步漸著成效矣以上係關於原奏單內籌辦省城商埠各級審判廳及府廳州縣巡警規模之各項情形先期籌備以冀早臻完善者也凡以上所陳其第一年期已經籌備者一項第二年期現已籌備者二項現正籌備者二項先期籌備者二項總計兩年內共爲七項臣等遵章籌備之情形大概具此伏念吉省疆宇遼闊外逼俄日中控蒙藩且介居奉江之間尤三省扼要之所庚子以後民氣凋傷辦理一切新政厥有數難吉省人民程度尙形幼稚在昔科舉之時應舉者已屬寥寥鄉舉里選尤爲曠古未聞此次創辦選舉及自治事宜固不得因邊遠省分稍從降格而綜核全省人數尙不及內省一大郡之多借才既苦不能助長亦殊無術其難一吉省民戶客籍多而土著少或由流移而來或由招墾而至東邊一帶復有越墾韓民相與雜處其地則綿邈無垠其人則渾噩殊甚兼之道路不通所在阻隔冬春則冰雪載道夏秋則林箐障天調查一切諸多障礙其難二吉省財政奇窘雖屢經臣等釐剔中飽入款較前驟增乃出款較前尤巨今庶政正多待理而己苦不敷揆度情勢與內省之不求開源但求節流者迥不相同臣等督同度支司殫心籌畫定議財政大綱凡屬節流事件無論新舊衙門局所稍有冗濫之員司費雖微而必加裁併凡屬開源事件果能裨益國計民生確可生利之實業費雖鉅而必籌創興然事體固皆當務之急而經費

究同無米之炊其難三有此三難舉凡一切新政莫不受其影響動生窒礙惟是根本重地中外具瞻無論如何爲難決不敢稍有延誤所幸審判之規制略定積牘日清巡警之敷設粗完崔荷梢靖以後逐漸措施尙非全無憑藉臣等忝膺疆寄責無旁貸必期益加策勵努力圖成以仰贊 聖朝立憲之盛治所有依限奏報第一年期成績並第二年籌備情形各緣由除分咨查照外理合恭摺具奏伏乞 皇上聖鑒訓示謹 奏宣統元年閏二月二十日奉 硃批該衙門知道欽此

東三省總督徐世昌署吉林巡撫陳昭常奏吉林省擬援案添改民官酌裁旗缺摺

奏爲吉林省壤地遼闊治理難周擬請援照江省成案添改民官酌裁旗缺以資控制而固邊陲繕單具奏恭摺仰祈 聖鑒事竊查吉省地界俄韓土曠人少盜匪潛滋邊務防務日形重要從前旗民兼治綱紀未周往往一二千里設一民官祇以草萊未闢政治簡略故得相安無事自鐵路通行外交日亟於是邊塞重要之地鐵軌附近之區商民聚集之處管理空疏自棄權利是預籌治內防外之要策非添設民官斷不足以資治理 朝廷注念東陲毅然改革自設行省政務日繁不但察吏安民宜求完密當此邊界空虛交涉煩重外人之所以待我與我之所以自防尤當悉心布置以求控制之方臣世昌前會同前任撫臣朱家寶奏設西路兵備道並添設密山府濛江州韓甸縣長嶺縣各員缺並聲明此外尙有應設之缺再當隨時奏明臣昭常到任後體察情形復與臣世昌反覆會商各路仍覺空虛轄地遂難周密誠非因時制宜通盤計畫熟籌增改不足以規久遠而控邊防蓋邊省與內地情形不同內省重在治民固以民戶之繁庶爲準邊地重在守土應以地方之衝要爲衡臣等悉心商酌擬於東南路設

彈春兵備道一缺駐璦琿城辦理琿春延吉綏芬一帶邊務及東南沿邊兵備事宜並管理琿春等處關稅交涉於東北路設依蘭兵備道一缺駐三姓辦理依蘭密山臨江一帶邊務及東北沿邊兵備事宜並管理依蘭等處關稅交涉以上二缺責任繁重且有兼轄屬部之責應與前設之西路兵備道缺並請加添領銜以資控制至若府廳州縣各缺之宜妥籌整頓尤爲今日圖治之急務近邊要者招徠撫輯籌辦實賴賢能當繁難者敷政施教布置更須周密試就西路言之吉林府轄地最廣前雖分其西南之地增設濛江樺甸二州縣其所屬尙周環千餘里雖係省治所在而民官僅一知府治理實有難周擬更劃其東北各屯設一縣缺治舒蘭站名曰舒蘭縣伊通州接壤奉省亦

屬西南要區擬陞改爲伊通直隸州西北路逼近蒙界素稱繁要已設有新城府尙可控制其原屬之榆樹縣在吉省中最高富庶亦係要缺擬陞改爲直隸廳同知就北路言之雙城廳旗屯居多僑民亦衆鐵軌通行日益繁富殊非一撫民通判所能統轄擬陞改爲雙城府濱江廳原奏設於哈爾濱之商埠內仿營口廳之例專管該地交涉案件名爲江防同知後因俄人不認鮮能實行職務現所轄不足十里殊難成治擬劃雙城沿江之地以益該廳而改爲雙城府分防同知賓州廳當吉黑兩省交通之要衝開化尙早戶口頗蕃地面亦較雙城爲廣擬陞改爲賓州府其南境之阿勒楚喀商民繁盛爲賓州冠擬於其地增一縣治名曰阿城縣依蘭府原治三姓轄地之廣幾兩倍於吉林府雖人烟稀少求治尙難然不預爲措置終難逐漸振興擬於其南境之樺皮川增設一縣名曰樺川縣於其東境古勃利州地增設一縣名曰勃利縣其原轄之大通縣向治江北今其地亦劃歸江省擬移治於江南依蘭府西之方正泡地方臨江州北界黑龍江東界烏蘇里江居吉省之極東北邊防尤爲重要其地亦廣於吉林府僅設一州視等羈縻頗非注重邊界之道擬陞改爲臨江府於其西境增設一縣以富克勤錦巡檢陞改即名曰富錦縣於其東境烏蘇里江附近增設一州意在綏撫邊境因名曰綏遠州

(未完)

公牘錄要

新樂縣麥令汝良稟報巡警教練所開辦日期文並批

敬稟者竊查卑縣巡警開辦有年毫無程度良以各兵選自莊農未受教練所致卑前縣陸令維炳有鑒於此隨即察核情形籌撥經費擬於本年正月內暫假本城巡警總局閒屋設所教練當經酌定規則課程稟請批示立案旋蒙警務處飭發章程規則令卽查照辦理因陸令未及開辦因病出缺卑職到任接交遵卽出示招募並於城鄉舊有巡兵之中逐一挑選共計選得新舊合格學生一百四十名因預算經費不足擬以一百二十名爲定額以二十名爲預備兵分作甲乙兩班輪流教練每班七十名延訂警務普通畢業生邱鳳翔等爲教習已於二月十七日開所教練一切課程教法悉照奉發規則辦理以資造就除俟各生畢業由卑職稟請派員考驗外所有卑縣巡警教練所開辦日期理合馳稟 大帥查核肅此具稟恭請 勛安伏乞 垂鑒 督憲楊 批據稟已悉仰警務處查照飭知此繳

武清縣姚令佐寅稟請以津武口岸鹽務餘利酌撥銀兩協濟武清公益懇即飭司核准以順輿情文並批
敬稟者竊卑職二月十二日趨詣 憲轅稟見於公回後即探悉津武口岸現有仍歸商辦之議違查 憲批此案
前據該縣學社稟經批司核議津武口岸實無餘利可撥業經批示在案茲據前情仰運司復核籌議飭遵具覆等
因伏思卑職既有督銷之義務卑縣似有應分之權利灤州鹽務改歸官辦尚有津貼灤州辦公銀兩况津武口岸
其餘利在武清界者實佔優勝地位乃地方公益之舉轉不能與天津利益均霑此自治紳董所以不能安於緘默
也卑職爲紳民之代表兼籌並顧亦明知平均辦法窒碍爲難是以有每季請以一千五百兩爲斷委係核減而又
核減之數未便再有核減計官辦以來卑職督銷毫無貽誤茲據情呈請者又屬因公此後即使仍歸商辦承辦商
人必須須報効餘利以數萬計請將武清應撥之款一并預算列入庶免向隅之嘆惟有仰懇 憲台俯念卑縣財政
困難新政緊要照此擬議數目無論官辦商辦准由卑縣按季具領此項餘利每年以六千兩爲率以順輿情而裨
新政出自 鴻施非卑職所能擅便理合馳稟仰祈 憲台查核俯賜飭司核准批示祇遵
督憲楊 批據稟已悉查前據該縣來稟業經批司覆核籌議尙未具覆仍仰運司迅速核議詳覆飭遵稟抄發此
繳

正定縣蔡令濟清稟籌妥的款擬將城鄉巡警另議改良辦法文並批

敬稟者竊維巡警爲立憲基礎必須認真舉辦方足以收實效而保公安卑縣警務雖已成立數年而歷任因經濟
困難遂致敷衍稟報除城內步巡三十名馬巡四名籌有的款二千六七百吊尙屬實在其餘四鄉巡警原報五百
三名之多悉由各村自行籌辦而各村初無一定辦法警董區長虛有其名腐敗情形殆難枚舉卑職到任後亟思
設法整頓而整頓必自籌款入手年前迭次集紳籌商祇以物力艱難迄無成議今幸會議決定援各屬隨糧帶收
辦法每糧銀一兩收學警等費大錢八百文除學堂及自治研究所撥款外歲可籌出警費萬千連同城內舊有之
項共計常年的款大錢一萬二千餘吊業將籌款詳細情形稟請 憲台鑒核在案伏查卑縣雖附郭首邑實係地
瘠民貧若照從前原報數目養巡警五百餘名之多民力萬不能支現常款既經籌定亟應另訂章程切實辦理而
切實辦理之巡警非餉項稍優不可自以裁減額數將餘額統改充預備巡警爲目前切當辦法卑職連日與巡官

警董等細心籌議除城內巡警三十名仍照舊章暫弗增減四鄉仍分二局六區每區擬設步巡二十四名共一百四十四名另添募馬巡六名連城內原有四名飭令連合一氣以資巡緝合計城鄉巡警馬步共一百八十四名幅幘並非遼闊但使辦理認真足可保地方治安人數決不嫌短少其應發餉項四鄉步巡一百四十四名擬每名月支大錢二吊五百文內每區各派巡長二名每名月加大錢五百文共歲需大錢六千一百二十吊城內步巡三十名每名仍月支四吊文內巡長二名月各加支五百文共歲需大錢一千四百五十二吊馬巡十名每名照舊章月支餉乾大錢九吊共歲需大錢一千零八十八吊馬步巡警每名每年軍衣兩身及草帽軍帽皮帶等費約各需大錢八吊按一百八十四名核算共歲需大錢一千四百七十二吊每區擬設區長一人南北鄉分局擬每局派副巡官一人管理計副巡官二員每員月支薪水十吊區長六員每員月支薪水八吊又總局巡官一員仍照舊章月支大錢十六千巡記一員月支大錢三千文共歲需大錢一千零四十四吊以上餉乾薪水等款統共每年需大錢一萬一千一百六十八吊此外尚有各局區公費添購軍械一切活支及開辦教練所薪水公費等項約計現在所籌之款雖可幸免支絀然亦絕少盈餘此核定人數預算用款之大概情形也四鄉原有巡警大半不能合格擬即出示定期督同巡官區長等另行選舉如額現已添備軍衣靴帽並飭區長警董將各區屋舍趕緊修葺整齊定於三月初一日起按新章給餉切實舉行嗣後每逢月朔在城內會操一次操畢即由城內收支所分別支發薪餉以昭劃一又應派巡官區長除城內總局於去年稟派雄縣警務畢業生蘇振清充當巡官到差後謹慎耐勞無庸更換東一區擬派普通畢業生羅宗古充當區長南一區擬派游學日本警察畢業生米庚參充當區長南二區擬派游學日本警察畢業生米廷憲充當區長西一區擬派普通畢業生吳向文充當區長北一區擬派普通畢業生王文海充當區長北二區擬派普通畢業生陳統和充當區長南分局則請派高等畢業生何瑞椿充副巡官北分局則請派高等畢業生郝子綸充副巡官該畢業生等均係本籍以本地人辦本地方事情形自可熟悉如查有不能稱職者當隨時稟明撤換其辦事勤奮者亦照章稟請獎勵以資激勸而期進步除仍按照奉發警章隨時認真經理外所有遵章妥籌的款擬將城鄉巡警另議改良辦法及增減馬步預算支款選派巡官區長各緣由是否允協理合稟請 大帥查核批示實爲公便專此具稟祇請 鈞安伏乞 垂鑒

督憲楊 批據稟已悉仰警務處查核飭遵此繳

文告錄要

督憲批示錄要○警務處詳核明永年縣請獎叙巡警員紳一案由 批據詳已悉查永年縣巡官區長警董辦理警務出力自應分別給獎以示鼓勵所有區長金鴻恩警董武用賓等二名均准給予五品獎札區長高振元賈錫嘏等二名准予六品功牌房書路錫旂准予八品功牌其巡官鄧毓楨應由該處記大功一次警董王尙義程鴻圖常必勝區董李懋功田蔚然等五名併由處各給匾額一方仰即遵照辦理並將發去牌札轉發該縣查收給領此繳○冀州祝牧蒞稟留衡水縣王令光鸞暫免前赴調任由 批據稟已悉姑准照辦仍候行司查照繳藩台批示○唐山縣僧生李中森呈 批據呈爾堂叔李書田因爭繼毆傷爾母兩次並盜典繼產各節如果實有其事殊屬膽玩惟詞出一面斷難憑信既據控縣傳訊有案姑候飭縣查案錄覆察奪○延慶州民人宋春元呈批案已飭州錄詳現尙未據詳覆虛實憑何察究且此等錢債細故斷難紛紛提訊候飭催延慶州迅速查案

錄覆察奪爾即回籍靜候躁瀆無益

天津縣議事會議覆公告○陳魏氏說帖爲霸佔地畝勾串改契懇恩提卷與孀孤作主事 議覆說帖閱悉事已成訟所請提卷公斷一節本會無此權力此覆○柴小林等說帖爲據陳說帖懇恩妥議以昭平允事 議覆說

帖閱悉事已成訟本會照章不能干涉此覆○季維善說帖爲租主朦混代爲上租容心奪地叩恩傳到公議事 議覆稅帖閱悉查祇樹園廟地現由董事會經理應自赴董事會陳述此覆○十五家代表人縣丞職銜高登

第等說帖爲公司逞強混佔地畝懇請設法維持以伸公理而保民人土地事 議覆說帖閱悉案關民事爭議應自赴該管衙門申訴所請各節本會無此權力此覆○楊寶樞說帖爲橫行變產事 議覆說帖閱悉事關民

事爭議僅有一造說帖本會照章不能核議此覆○張達莊等各村民趙士通等說帖爲廢河需水忽被堵塞

懇恩設法挽救以安民業而重生命事 議覆說帖閱悉候據情申請津海關道轉請海河工程局并移請津浦鐵路局酌奪辦理此覆○古佛寺居民張竹蔭等說帖爲村正副擾害閭閻懇恩公議轉詳縣尊查明斥革事

議覆說帖閱悉各村村正副向由縣尊諭充所陳擾害鄉民情是屬實應向縣署陳述此覆○前河南候補

巡檢張立寬說帖爲指捐濟賑難救燃眉亟思善策通權以拯災區民命敬懇轉稟 督憲核奪事 議覆說帖閱悉貴紳軫念災黎殊深欽佩但所擬辦法恐難見諸實行惟聽樂善君子自行其德可也此覆○紳士楊光溶等說帖爲請設法修濬地溝以衛民居事 議覆說帖閱悉候據情移請工程局衛生局核辦此覆○紳士溫世霖說帖爲懇請補助經費開辦蒙養院事 議覆說帖閱悉俟勸學所與董事會將辦學公款接交後再統籌核辦此覆

電報錄要

路透電○南美洲委尼瑞拉政府現派人捕獲前總統喀斯羅氏(由歐洲回西印度)當被捕時喀氏尙臥未起遂即送至輪船該船離喀氏居所有一英里之遙

又電○美國內閣現又重訂新海關稅章與議院日前所訂者互有異同內閣提議將椰子與香料兩物免稅因除茶葉咖啡外此兩物亦係常用之品也

柏林電○法國駐俄公使海軍大將徒查爾德氏現擬辭職

又電○德皇擬往德國南部遊歷時或順道至塞拉庫斯并馬拉達兩處

又電○中國駐德欽使廢大臣現在行抵柏林

又電○英國軍隊現在波斯布士爾港登岸

又電○土耳其京城雖有刺斃自由報總主筆之事然各處甚爲平安近日土政府權利甚大

又電○義國外部大臣拖田尼氏在溫尼斯地方與德首相普魯親王相晤會議外交政策

新政紀聞

政治

實錄館借開辦期○十八日

實錄館監修大臣世中堂與各總裁會議前曾奏定恭修

景皇帝實

錄館於未挪移憲政編查館政務處開館之前期所有應行備辦一切公務及應行議商各項事宜暫借內閣地址恭辦一切現以借內閣開辦之期尙未擬定當經世中堂與諸總裁擬於月之二十四日爲

實錄館借

閣開辦之期云

提議考試世職人員○提署期具勒以在標世職人員每屆五年由本署出具考語咨部查核一次現擬俟此次世職五年期滿時考試一次再行出具考語送部以資整頓

革除德政牌傘通飭○魯撫袁中丞通飭各屬略謂本部院接據各紳民呈詞以各處牧令往往於到任後或去任之時授意不肖紳衿或本署書差資送德政牌傘此項費用率攤派民間前官去而後官來視爲例舉致民間疾首蹙額怨讟煩興等情夫德政美名也苟有恩施於民則翦嘉樹而心傷樹豐碑而淚墮古人可作誠不我欺乃下車之席未溫而鼓吹之聲忽起期月未必已可三年何嘗有成牌傘胡來德政滋媿想該牧令爲此或有二計一則以爲民間既予我以德政之名必不能再加以貪暴之目一則以爲上司設因事而加愆彼卽有詞以護短此外則尙有二便一便於歸田以後爲祠廟之陳設品一便於諛慕之文爲碑誌之渲染料不知如前之計今日容有受愚之百姓未必盡爲受愚之上司不因多牌傘而記功亦不因無牌傘而加罪如後之說則家祠之陳設何如公衆之口碑一手之揄揚難掩萬口之唾罵亦未見其便况今日之訐告者卽爲資送此項牌傘之人是民亦未必盡愚而官乃如此不智牌黯黯兮無色傘纒纒其不揚本部院並不敘此大好之風景而特憐此掩耳之盜鈴嚴檄同僚收拾淨盡少一份牌傘並無損於諸有司留一份脂膏亦有益於我百姓爲此牌示並通飭各屬知悉文到之日卽將本部院此論照錄黏貼並叙明該牧令如遇有此項牌傘亦應拒而不納私相接受自好不爲但儆將來勿追已往倘再藉此擾民論罪惟墨勿謂言之不預也

學務

提議整頓醫學事宜○學部堂憲爲整頓醫學起見擬審訂醫學教科書以便醫學堂應用藉資改良醫術以重民命又太醫院張午樵院使以本院附設之醫學堂終日誦讀與往日之學舍無異殊屬非是現擬大加整頓或請歸學部辦理以重醫學云

自治局擬辦女學○京師西郊自治局近日各事日見進步現各紳董會議擬組織女學一處以興姆教刻正商議辦法矣

女學傳習所開展覽會○京師內城女學傳習所定於三月初九日爲第二周年紀念特設京津女學第四次展覽會凡女界學界學生家屬如經該所承認接待者皆可臨觀云

商務

通商開闢商埠章程○農工商部爲振興商務起見特會同外務部議定開闢商埠章程計大綱二十條細目十項其宗旨悉以挽回正權法權利權爲主且明訂外人不遵守此章程者不得請開商埠以免流弊聞日前已咨行各省矣

開闢航路之計畫○郵傳部李尙書日前與各堂提議開濬航路辦法茲聞已決定先由內河小輪辦起再行次第推廣江海航路現擬與度支部及各省大府咨商籌款事宜云

路礦

礦稅辦法之改良○度支部以各省抽收礦稅辦法不同往往滋生弊端現已分咨各省將徵收礦稅數目統行列表限五月內詳定以便與農工商部統計核准使歸一律以維實業

蘇路公司移文照錄○蘇路公司咨江北地方官文云爲移請事竊照敝公司開辦清徐鐵路清江浦正車站現經勘定在小北圩門外釘立號樁即日興工查此門爲城內外搭車最捷之徑而大路巷以此經八面佛前上下踰圩一值陰雨泥濘殊甚不便且原有馬路近圩門處作曲尺形於形勢亦欠正直茲擬近圩將馬路首段從現在小圩門西十丈處改築直線穿圩而入從水蕩中填築面廣三丈之馬路購遷民房直接而南建於河濱另建圩門以便啟閉其原有小圩門卽行填塞非第康衢坦蕩便於行旅之往來卽局勢開通亦擅地方之形勝查京師浙省皆因火車便利穿穴城闌土圩尤與磚城不同爲路政所必許惟事關地方工程理應先行陳明備案以昭慎重爲此移請察照存案准予施行路政幸甚

查提公款充入股○浙撫增中丞通飭各屬文云查光緒三十四年四月初九日准全浙鐵路公司咨呈當經馮前部院札飭布政司通飭各屬一體遵照乃至今未見一處詳覆以本有之公款購至急之路股浙人辦浙事實公理所難辭何以置若罔聞視同秦越公司前後兩咨言之甚爲痛切稍知利害者必當聞風而興當仁不讓相與協力同心贊助路政至於各處存款或者辦法不同是在有司與本處士紳通盤籌畫切實經營雖此時官利稍微不無虧損事貴遠謀人所共諒行見路工大竣枝幹皆通紅利日增詎有限量云云

第二十三條 正科簡易科畢業考試列入最優等優等中等者由本學堂總理監督發給文憑並由總理會同學部分別等次開單奏請帶領引 見請 旨分別獎勵其聽講員但分別發給文憑不請獎勵

第二十四條 正科簡易科畢業考列優等以上者應由本學堂總理開單請 旨派往東西洋各國游歷其聽講員考列最優等者亦可選擇奏派

第七章 學員名額

第二十五條 本學堂所設學員分爲管理員教員兩項其額數如左

總理一員 監督一員 提調一員 教員十數員 監學官二員 書記官一員 會計官一員 庶務官一員 管課官一員

第二十六條 以上各員除總理監督應請 旨簡派外其提調以次各員由總理分別奏咨延聘委用

第八章 學員職任

第二十七條 總理協同監督統轄提調以次各員綜核全堂一切事務其學生平日品行學業勤惰均歸考核

第二十八條 監督督率提調以次各員經理全堂事務安定本堂詳細規則訂定課程及稽核教習教法學生勤惰等事惟均受成於總理

第二十九條 提調受總理及監督指示管理本堂齋務庶務凡監學書記會計庶務等官均歸管轄

第三十條 教員分任教授各種學科隨時稟承監督擬訂課程酌定教法等事

第三十一條 監學官稟承監督提調專管稽查學生起居動作檢視平日品行隨時報告並照料飲食注意衛生等事

第三十二條 書記官稟承提調專理本堂收發文書編存案卷並繕寫登記等事兼管圖書教育品標本收發存儲一切事務

第三十三條 會計官稟承提調專掌本堂經費出入及核算賬目等事

第三十四條 庶務官稟承提調專司本堂廚務人役房屋器具等一切雜事

第三十五條 管課官稟承監督專掌分放課卷刷印講義及有關講堂授課一切事務

第九章 聽講員

第三十六條 聽講員以一年半爲畢業六個月爲一學期共分三學期所授學科及每星期授業時刻列表如左

第一學期 學科 每星期鐘點 國文三 國朝掌故二 法學通論二 憲法五 行政法四 刑法一

理財學三 世界近世史二 政治地理二 合計二十四

第二學期 學科 每星期鐘點 國文二 中國歷史二 法學通論一 憲法三 行政法三 刑法一

民法三 國際公法三 財政學二 世界近世史二 政治地理二 合計二十四

第三學期 學科 每星期鐘點 憲法五 行政法四 刑法二 民法三 國際公法二 國際私法三

財政學五 合計二十四

第三十七條 聽講班事務由本堂管理員兼任之

附錄

第三十八條 本章程所未備載之處應由學堂參照學部奏定各學堂章程自行詳細訂定

第三十九條 正科簡易科暫設三班如入學人數加多應隨時酌量增設

雲南諮議局籌辦處章程

第一章 總則

第一條 本處係欽遵 諭旨奏明設立查照憲政館咨文名曰奏設雲南諮議局籌辦處由督院頒發本質關

防一顆以資應用文曰雲南諮議局籌辦處關防

第二條 本處直隸於督院凡諮議局未成立前按照奏定諮議局章程暨選舉章程應由督撫籌辦之事得委令

本處籌辦之

第三條 本處以恪遵 諭旨限定一年之內成立本省諮議局爲宗旨俟本省諮議局成立之時查照憲政館

咨文詳明督院立將本處裁撤

煙霞成癖身力俱衰得韋廉士醫生紅色補丸氣體復元精神強健吸鴉片煙而欲解除之人當其初斷癮時有極難受之試驗即割絕其素所親匿而壞其身之煙鎗越數日後覺其甚為軟弱矣凡供此疾苦之人有韋廉士大醫生紅色補丸為最妙最捷救援之源頭因是丸內並無毒質亦無尅伐之品且力能供給鴉片煙作可憐之犧牲者助其接濟之力勝其貪吸之癮又能煥發其疲乏之腦筋潔淨其才為江蘇省南匯縣人經商滬濱歷有年所證韋廉士大醫生紅色補丸有資助解鴉片煙之奇效者則有楊君伯才為江蘇省南匯縣人經商滬濱歷有年所現居愛而近路善慶里一百九十七號門牌而在吳淞路一千三百五十六號開設楊萬興南貨字號之主人焉茲

楊君伯才玉照



由虛弱之病服韋廉士大醫生紅色補丸而得康健
 將保證書錄左○余少年時喜趨歡樂之場致染煙霞之癖年復一年日深一日身軀虛弱精力暗虧更有實據證余之衰頹即年雖少壯而體若衰老每思一事腦甚惜亂行路之時常覺背骨疼痛足骨發熱未幾轉覺遍體皆痛雖商諸醫士試服各藥毫無所助余全體竟墮入沉疴中矣後有一友為上海大隆大藥房之股東荐余嘗試韋廉士大醫生紅色補丸且云此丸之功用最合余之病體余即購韋廉士大醫生紅色補丸六瓶而試服之甫及一瓶頓覺大有轉機氣力稍增遂接連服之不覺各病皆除身體健壯余感韋廉士大醫生紅色補丸誠無涯涘大獲其益因其年屆七旬老邁偏廢自之疾病抑且與家岳岳母服之大獲其益因其年屆七旬老邁偏廢自

服此丸之後自能步履無賴扶掖由是遍告親戚凡抱沉疴者咸相購服莫不皆奏奇效云楊君又極讚韋廉士大醫生紅色補丸有醫治男女各病之奇功證明所治諸症即由血薄不潔或由腦筋衰弱所致之疾如少年虧傷諸虛百損左癱右瘓腳氣衝心胃不消化肝經各病頭疼音痛風溼骨痛腎骨痠痛瘡疥疔疹以及婦科各症或月經不調氣鬱不舒等症莫不奏效如神耳中國各處藥局商店均有代售或直向上海九江路B字第八號韋廉士醫生藥局中國總發行處購買亦可價銀每六樽大洋八元每一樽大洋一元五角遠近郵費一律不取

林祥元記 緞洋貨

本號開設(北京前門外鮮魚口)(天津估衣街中間路北)(山東濟南府院西路北)等處自置綢緞洋貨顧繡蟒花素貢絨絳各色抖蓬哈叻厚呢以及京廣什貨織絨綫貨各色俱全貨高價廉劃一不二中外紳商賜顧移玉是幸

瑞林祥元記具

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰據西洋化學師疊次
 考驗拉力結力俱高出外洋之貨且機器加大出灰足數主顧購用尙有製造
 之缸磚花磚洋灰瓦水溝管管子等項無論躉零交易均可本公司總理處
 設在天津海大道英租界先農公司對面並於北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

利文洋

本行開設天津上海香港志呢華海參歲等處均設立有年諸班貨物由外洋本機器廠自造磁
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
 鑽石戒指留耳墜鐲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡
 大小皮包法國洋號又新到轉盤換調話匣八音盒價值格外從廉仕宦官商凡願者請移玉紫竹林法租界本
 行面議可也
 本行主人啟

北洋灤州官礦有限公司付息廣告

啓者查本公司定章每屆二月會議三月付息現時井工正在趨辦股東會尙未成立茲先循章將各股東自交股
 日起截至光緒三十四年底止應得正股紅股官利一律照付本埠以三月初一日爲始外埠以三月十六日爲始
 屆時請各股東攜帶全賬息單此係第一期取息萬勿擊裁至原交股處支取息銀或此埠股東願改赴彼埠取息
 者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息
 單即無憑付息特此奉聞

付利處

天津

保定

上海

漢口

唐山

張家口

天津分銀號

同啟

三岔河口玉皇閣本公司總理處北馬路天津銀號

天津商務印書館新書

嚴又

訂正羣學肄言

此書前所以治羣學之塗術書凡十六篇前經嚴又陵先生譯出行世備受海內歡迎茲經重加訂正以版權歸本館洋裝精緻大為改觀每册定價一元

高小

女子國文教科書

本館前編初等小學女子國文教科書八册一年間已疊六版近又承學部審定其價值可待言此書即詳全書而作所採材料仍以前所定之道德智識為主而於家政女工衛生之學尤詳全書四册先出第一册定價大洋二角

學部改

近世化學教科書

日本大森勇吉著李季譯(上) 此書凡化學中實驗理論之關係解說甚詳每册定價八角五分

審定

初等代數

王家炎譯書孝天稿(是書久已脛炙人口於譯述之時說力求顯明題問時有酌刪) 此書深探原書之精意而不拘守原書之面目最適於我國之用每部一元二角

新編

初等三角法教科書

日本飯島正之助著周藩譯(上) 此書深探原書之精意而不拘守原書之面目最適於我國之用每部一元二角

家計簿記教科書

此書為高等小學章程列簿記於算術科是書就家計以發凡詳論簿記之法書分九章就五項通例各以各國新法於改良之仍以通俗適用為主既可供學堂教科書即使居家業者經商者職司會計者閱覽此書亦其有益每部八角

新法英文教程

此書為英文法於讀本使學者易於領悟而於用法八部之總則及其云讀之時間尤為注意每句詳解清晰未附釋義及解字兩門凡用斜體字處則檢釋義其難字可檢解字使閱者一目了然每册定價八角

日語讀本

內堀維文君現任山東高等小學堂日語教授歷年既久閱歷尤深茲以其經驗材料編成此書體例清和程度適台誠為學日語者之寶笈也每部四册每部一元四角

鉛筆習畫帖

本館前出高等小學習畫帖已承學部審定是書編讀之法與前書相應而筆法甚為簡易便於初學繪畫全部四册每册各二十圖第一册均單簡形體以次循序漸進至第四册乃及陰影濃淡之法初學極易入手全部定價四角八分

鍾乳鬪體

英國哈葛得原著(此書大致似露中人出於老獵戶戈德門自述然歸本於亨利之友愛乃以尋其弟之故至於犯癡癲絕沙漠飢渴而死成所不惜讀之足以愧天下之閱者每部二册定價六角

天囚懺悔錄

是書叙一人誤殺其父出亡天良種種苦惱後流落荒島力自懺悔改行為善卒得萬終其間叙航海覓金及孤島中生活以及男女愛情筆意纏綿悽惻婉麗人每册定價五角

匈奴奇士錄

許其兒報譯此金于又誘惑一公爵思捕其夫人設種種奸謀不得遂公爵夫人卒嫁與摩陀爾人情節離奇譯筆老辣每册定價四角

模範町村

日本農學博士橫井時致原著(此書以改良地方自治之理想假託一人久客歸鄉所見所與實境大異時致所說事實均依據學理可見實行今吾國方法注意地方自治此書頗資模範不當僅作小說觀也每册定價三角

新譯小治模範町村

日本農學博士橫井時致原著(此書以改良地方自治之理想假託一人久客歸鄉所見所與實境大異時致所說事實均依據學理可見實行今吾國方法注意地方自治此書頗資模範不當僅作小說觀也每册定價三角

啟新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股東願入此股者請自二月十六日起兩個月內先將認定之股數函示註冊該股款於註冊後兩個月內全數交齊即以交款之日起息如欲詢詳細辦法請 惠臨天津海大道本公司面談可也此布

補腦寧神降火利便

KENNO-GWAN



MEDICINE FOR THE BRAIN

醫學博士
島村先生
保効
虞脩所日本大阪
丹平商會大藥房

售寄有均房藥大各

順天府尹凌大人捐庫平銀二百兩 晉省隱名氏集捐公砵平銀一千零八十兩 山東撫台袁捐洋四百元 候補京堂張大人煜南捐洋二千元 山東運台翟大人鍾善捐京足銀五百兩 福建臬台鹿大人學良捐京松銀五百兩 上海道台蔡乃焯捐京足銀二百兩 陝西藩庫廳沈錫榮捐京足銀一百兩 分省知縣鄭寶麟捐京足銀四十三兩 甘肅舉人趙椿年捐洋十元 直隸道台葉增濤捐洋六十元 張仲仁捐洋二十元 丁春之捐洋十四元 鍾薌泉捐洋十元 汪鶴齡捐洋八元 張信初捐洋八元

北京王府井大街平和戒煙醫局鳴謝清單

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分

法政學報十日一册每月三册收價洋六角零購者每册二角

兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本埠售價

綠色條胰出現廣告

本場為提倡高等成色條胰起見不計本利力求料實耐用洗濯異常滑快經久絲毫不抽委與外洋白條胰相頡頏而價值格外低賤如蒙購用即知此胰貨高價廉便宜合算 賜顧者請至北馬路售品總所或本場售品處零整均可面議一為試用定當爭購此佈

天津河北實習工場謹白

京奉鐵路局廣告

啟者本鐵路現有各樣舊碎鐵約重七百八十噸投標出售如願購買者請將所出價值開列封在信封之內於本月二十九日以前寄交本局華收支處彙齊開標逾期不收該鐵現存新河貨棧投得者即在該棧房交貨特此佈聞

京奉鐵路局謹啟